

Kaun Log Mubaarak Haiñ?

Injeel : Mattā 5:1-16

Jab Īsā^(a.s) ke paas bahut saare log āe to wo ek unchī jagah par apne shaagirdon ke saath baiṭh gae .⁽¹⁾

Phir unhone sabko taaleem denā shuru kī aur kahā:⁽²⁾

“Mubaarak haiñ wo log jin kī ruheñ zaruratmañd haiñ,

kyuñki Allaah taa’alā kī baadshaahī unheñ ke liye hai.⁽³⁾

“Mubaarak haiñ wo log jo ḡamgeen haiñ,

kyuñki unko sukun atā kiyā jaaegā.⁽⁴⁾

“Mubaarak haiñ wo log jo narmī aur sabr se kaam lete haiñ,

kyuñki un logoñ ko hī ye duniyā wiraasat me milegī.⁽⁵⁾

“Mubaarak haiñ wo log jinheñ nek kaam karne kī bhukh aur pyaas haiñ,

kyuñki un logoñ ko bepnaah atā kiyā jaaegā.⁽⁶⁾

“Mubaarak haiñ wo log jo raham karte haiñ,

kyuñki un par bhī raham kiyā jaaegā.⁽⁷⁾

“Mubaarak haiñ wo log jo dil ke saaf haiñ,

kyuñki wo log Allaah taa’alā ke nur ko dekh leñge.⁽⁸⁾

“Mubaarak haiñ wo log jo aman qaayam karte haiñ,

kyuñki unheñ ko Allaah taa’alā kā sacchā bañdā kahā jaaegā.⁽⁹⁾

“Mubaarak haiñ wo log jinko nekī karne kī wajah se takleefēñ dī gaeñ,

kyuñki Allaah taa’alā kī baadshaahī unke liye hī hai.⁽¹⁰⁾

“Tum log bhī mubaarak ho jaaoge jab merī wajah se beizztī sahoge, takleefēñ sahoge aur tum par ilzaam lagaae jaaeñge.⁽¹¹⁾ Ḳḥushī manao kyuñki jannat me tumhaare liye ek baḡā īnaam hai. Logoñ ne tumse pahale bhī nabiyon ke saath aisā hī suluk kiyā.⁽¹²⁾

“Tum zameen ke namak ho, lekin agar namak apnā mazā kho de to usko dobaarā namkeen naheñ banaayā jā saktā. Namak kā mazā ḳḥatm hone ke baad wo bekaar hai. Usko baahar pheñk diyā jaatā hai aur log uske upar chalne lagte haiñ.⁽¹³⁾

“Tum log wo roshnī ho jo duniyā me chamaktī hai. Wo shahar jisko pahaaḍon par basaayā gayā ho usko ḥupaayā naheñ jā saktā.⁽¹⁴⁾ Usī tarah se mombattī ko jalā kar neeche naheñ ḥupaayā jaatā balki usko unchī jagah par rakhā jaatā hai taaki pure ḳḥaandaan ko raushnī mile.⁽¹⁵⁾ Theek usī tarah se tumko bhī logoñ ke liye mombattī kī tarah chamaknā chaahie. Jab log tumko nek kaam kartā dekheñge to Allaah rabbul ālameen kī taareef kareñge, us rab kī jo tumhaarā paalne waalā hai.⁽¹⁶⁾